

17.05 CUNTRASTS SIN SRF 1

Il segund orizont (part 1 e 2)



«Il segund orizont» raquinta da dus munds parentads: da la Val Schons d'antruras che na pudeva betg nutrir sia populaziun e che ha durant tschientaners sfurzà blers umens e bleras dunnas da viver en l'ester, da tschertgar lur fortuna en il lontan. A Venezia, en las terras dal nord e da l'ost da l'Europa, pli tard en l'Australia ed en la California. Il segund mund è quel da las migrantas e dals migrants d'ozendi: carstgauns dal Portugal, dal Cosovo e da l'Italia che han stuì bandunar lur patria per chattar lavur en la Val Schons: en garaschas, sin plazzals, en cuschinas e chombras dad ustarias e hotels. In omagi filmic a las migrantas ed als migrants da qua e da là, dad oz e da pli baud, ina reflexiun davart la vita en l'ester sco «condition humaine».